



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiæ Augustæ Scriptores VI

Ælius Spartianus. Vulc. Gallicanus. Julius Capitolinus. Trebell. Pollio. Ælius
Lampridius. Flavius Vopiscus

Spartianus, Aelius

Lugduni Batavorum, 1671

De Æmiliano, XXI.

[urn:nbn:de:hbz:466:1-51232](https://nbn-resolving.org/urn:nbn:de:hbz:466:1-51232)

quæ decretæ fuerant ¹ quasi transferendæ ad alium positæ sunt, nec adhuc redditæ. ² Nam in his locis fuerunt positæ in quibus thermæ Diocletianæ sunt exædificatæ, tam æterni nominis quam sacrati.

DE ÆMILIANO, XXI.

¹ ET hoc familiare est populo Ægyptiorum, ut vel ²² ² furiosi ac dementes ⁴ de levibus quibusque ad summæ Reipub. pericula perducantur. Sæpe illi ob neglectas salutationes, locum in balneis non concessum, carnem & olera sequestrata, calceamenta fervilia, & cætera talia, ⁵ usque ad summum Reip. periculum seditionis, ita ut armarentur contra eos exercitus, pervenerunt. Familiari ergo sibi furore ⁶ quum quodam die cujusdam servus curatoris qui Alexandriam tunc regebat, ⁷ militarie ob hoc cæsus esset quod crepidas suas meliores esse quam militis diceret, collecta mul-

titu-

quasi transferendæ.] Vetus editio habet tantum: quadrigæ autem decretæ, quasi transferendæ ad alium sunt positæ.

CASAUBONUS.

¹ *Quasi transferendæ ad alium positæ sunt.] Regius, transferendum.*

GRUTERUS.

¹ *Quasi transferendæ ad alium positæ.] Sic Pal. forte, quasi transferendæ ad balneum.*

² *Nam in his locis fuerunt, in quibus.] Sic Pal. nam male vulgati voce auditiore, locis fuerunt positæ in quibus.*

SALMASIUS.

³ *Et hoc familiare est populo Ægyptiorum.] Et hoc familiare populi Ægyptiorum.*

⁴ *De levibus quibusque ad summæ reip. pericula perducuntur.] Palatinus: de levissimis quibus usque. forte: de levissimis rebus usque ad summæ reip. pericula perducantur, nihil tamen temere mutamus.*

⁵ *Usque ad summum reip. periculum seditionis.] Scribe: usque ad summæ reip. periculum seditionibus, ita ut armarentur contra eos exercitus, pervenerunt.*

⁶ *Quum quodam die.] Quum quadam die.*

⁷ *Militarie ob hoc cæsus esset.] Pessime affecta hujus loci sententia, quam quomodo acceperint viri docti nescio: non enim prodiderunt. corruptissime tamen hæc ita legi constat: nec mirum si male inde intellecta. Palatinus & editio vetus, militare legunt. unius elementi mutatione emendo, militari ob hoc cæsus esset. sensus est, servum curatoris Alexandria die quodam à militari, hoc est milite cæsum ob hoc fuisse quod diceret crepidas suas esse meliores, quam militis. hinc illa turbæ. militare autem heic dixit Trebellius, pro milite. sic infra Flavius Vopiscus in Tacito militares pro militibus dixit: deinde in urnam militares jussit nomen suum mittere, ut aliquis cum sorte ductus acciperet.*

titudo ad domum Æmiliani ducis anceps venit, atque eum omni seditionum instrumento & furore persequuta est. ictus est lapidibus, petitus est ferro: nec desit ullum seditionis telum. Qua re coactus Æmilianus sumpsit imperium, quum sciret sibi undecunque pereundum. Consenserunt ei Ægyptiacus exercitus, maxime in Gallieni odium: nec ejus ad regendam rempublicam vigor defuit. Nam Thebaidem totamque Ægyptum peragravit, & quatenus potuit barbarorum gentes forti autoritate submovit. Denique ALEXANDER vel ALEXANDRINUS (nam incertum id quoque habetur) virtutum merito vocatus est. Et quum contra Indos pararet expeditionem, missio Theodoto duce, Gallieno jubente dedit pœnas: siquidem strangulatus in carcere captivorum veterum more perhibetur. Tacendum esse non credo, quod quum de Ægypto loquor, vetus suggestit historia, simul etiam Gallieni factum: qui quum Theodoto vellet imperium proconsulare decernere, à sacerdotibus est prohibitus, qui dixerunt fasces consulares ingredi Alexandriam non licere. Cujus rei etiam Ciceronem, quum contra Gabinium loquitur, meminisse satis novimus. denique non

GRUTERUS.

- 1 Ad domum Æmiliani anceps venit.] Pal. ancis venit.
2 Nec desit ullum seditionis telum.] Pal. nec deullum seditionis telum.

SALMASIUS.

- 3 Denique Alexander vel Alexandrinus.] Alexander denique vel Alexandrinus. ita Palatinus, qui heic novum caput incipit, perperam.

CASAUBONUS.

- 4 Siquidem strangulatus in carcere captivorum veterum more perhibetur.] Mos notus, ut postquam triumphator in Capitolium cepisset flectere, captivi duces in carcerem deducerentur, & ibi laqueo strangularentur. Æmilianum autem à Theodoto qui illum

vicerat Romam ad Gallienum missum fuisse, priore libro dictum est.

5 Qui dixerunt fasces consulares ingredi Alexandriam non licere.] Ob similem, vel hanc ipsam causam olim de reducendo Ptolemæo tamdiu & tam acriter in senatu disceptatum est: cum diceretur sorte Sibyllina prædictum, magno Reip. malo cessurum, si cum imperio Romani Ægyptum adirent: qua de re Dio & Marcus Tullius in epistolis ad P. Lentulum Ciliciz & Cypri præsidem. Eandem etiam ob causam ab Augusto institutum, ut Ægyptum regeret eques Rom. non ut alias provincias senatores consulares aut pratorii. etsi fuit hujus rei & alia causa; cum levitas potentissimi populi metueretur.

3 Herodotus

non extat memoria rei frequentatæ. Quare scire oportet, ' Herennium Celsum vestrum parentem dum consulatum cupit, hoc quod desiderat, non licere. Fertur enim apud Memphim in aurea columna Ægyptiis literis scriptum, tunc demum Ægyptum liberam fore quum in eam venissent Romani fasces, & prætexta Romanorum : quod apud Proculum grammaticum doctissimum sui temporis virum, * quum de peregrinis regionibus loquitur, invenitur.

DE SATURNINO, XXII.

SATURNINUS ⁴ optimus ducum Gallieni temporibus, sed à Valeriano dilectus fuit. Hic quoque quum ⁵ dissolutionem Gallieni pernoctantis in publico ferre non posset, & milites non exemplo imperatoris sui, sed suo regeret, ab exercitibus sumpsit imperium, vir prudentiæ singularis, gravitatis insignis, vitæ amabilis, ⁶ victoriarum barbararum etiam ubique notarum.

Hic

¹ Herennium Celsum, vestrum parentem, dum consulatum cupit, hoc quod desiderat non licere.] Est hypallage: nam rectum erat, hoc quod non licet desiderare. Cum ait, vestrum parentem, compellat amicum illum suum cui hoc opus nuncupaverat. Sic in fine libelli de Valeriano: *semper enim me vobis dedidi.* vide infra in Zenobia & Censorino. parentem accipio notione illa nova, quam ante exposuimus, non illa veteri. Porro hic Herennius Celsus quo tempore hæc scribebantur, Augustalis erat Ægypti præfectus: sed eo honore non contentus, à Diocletiano impetrare conatus est, ut sibi absenti consulatus deferretur. quam postulationem iniquam esse, & contra observationem priorum temporum, obiter demonstrat hic Trebellius.

² Cum de peregrinis regionibus loquitur.] Arbitror legendum, religionibus.

³ Dissolutionem Gallieni pernoctantis in

publico f.] Confer cum extremis verbis libri de Gallienis.

⁶ Victoriarum Barbararum etiam ubique notarum.] Scripti Barbaris. placet Barbararum. nam victorias Barbaras appellat, partas de Barbaris: quas opponit civilibus.

SALMASIUS.

³ DE SATURNINO. Saturninus optimus ducum.] Scribe: SATURNINVS. Optimus ducum Gallieni temporibus.

⁶ Victoriarum barbararum etiam ubique notarum.] Scripti omnes, & nostri & Casauboni: *victoriarum barbaris etiam ubique notarum.* distinguendum puto: *victoriarum barbaris etiam, ubique notarum.* hoc est, victoriarum ubique notarum, etiam barbaris. an legendum est, *victoriarum de barbaris, etiam ubique notarum?*

GRUTERUS.

⁴ Optimus ducum Gallieni temporibus, sed à Valeriano dilectus Saturninus fuit.]